



Broj: 16-12-16-6566- *J* /22  
I. Sarajevo, 01.11 2022. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14 i 59/22), na preporuku Komisije za nabavke za potrebe Državne agencije za istrage i zaštitu u 2022. godinu broj 16-12-16-6566/22 od 01.11.2022. godine, u otvorenom postupku javne nabavke opreme za prenos podataka za potrebe Državne agencije za istrage i zaštitu, direktor Državne agencije za istrage i zaštitu, d o n o s i

### ODLUKU

o izboru najpovoljnijeg ponuđača u postupku javne nabavke  
opreme za prenos podataka za potrebe Državne agencije za istrage i zaštitu

#### Član 1.

U postupku javne nabavke opreme za prenos podataka za potrebe Državne agencije za istrage i zaštitu (daljem tekstu: Agencija), putem otvorenog postupka za dostavljanje ponuda, na preporuku Komisije za nabavke za potrebe Državne agencije za istrage i zaštitu u 2022. godinu broj 16-12-16-6566/22 od 01.11.2022. godine, ugovor se dodjeljuje za:

- LOT 1 - Nabavka digitalnog radio sistema, ponuđaču „MIBO komunikacije d.o.o. Sarajevo“, ponuda broj 16-12-16-6566-6/22 od 18.10.2022. godine, za ponudenu cijenu u iznosu od 34.125,00 KM bez uračunatog PDV-a;

- LOT 2 - Nabavka VoIP telefonije, ponuđaču „KING ICT d.o.o. Sarajevo“, ponuda broj 16-12-16-6566-5/22 od 18.10.2022. godine, za ponudenu cijenu u iznosu od 29.900,00 KM bez uračunatog PDV-a;

- LOT 3 - Nabavka opreme za video nadzor, ponuđaču „Uma Muller Group d.o.o. Sarajevo“, ponuda broj 16-12-16-6566-7/22 od 18.10.2022. godine, za ponudenu cijenu u iznosu od 29.860,00 KM bez uračunatog PDV-a;

- LOT 4 - Nabavka opreme za protivprislušne preglede, ponuđaču „Uma Muller Group d.o.o. Sarajevo“, ponuda broj 16-12-16-6566-7/22 od 18.10.2022. godine, za ponudenu cijenu u iznosu od 68.300,00 KM bez uračunatog PDV-a.

#### Član 2.

(1) Ponuđači „KING ICT d.o.o. Sarajevo“ i „MIBO komunikacije d.o.o. Sarajevo“ obavezni su ugovornom organu dostaviti dokaz o ispunjavanju uslova iz tač. 3.1.1. i 3.1.3. Tenderske dokumentacije.

(2) Dokaze iz stava (1) ovog člana (original ili ovjerena fotokopija) ponuđači su obavezni dostaviti ugovornom organu u roku od pet dana od dana prijema ove odluke.

#### Član 3.

Ova odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

#### Član 4.

Za izvršenje ove odluke zadužuje se Sektor za materijalno-finansijske poslove Agencije.

#### Član 5.

Ova Odluka stupa na snagu danom donošenja.

#### O b r a z l o ž e n j e

Odlukom broj 16-12-16-6566-1/22 od 20.09.2022. godine pokrenut je postupak javne nabavke opreme za prenos podataka za potrebe Agencije, procijenjene vrijednosti 162.390,00 KM bez uračunatog PDV-a, za koji je obavještenje o javnoj nabavci broj 1161-1-1-198-3-40/22 od 26.09.2022. godine objavljeno na Portalu javnih nabavki i u „Službenom glasniku BiH“, broj 67/22. Novčana sredstva za realizaciju navedene nabavke obezbijedena su u okviru budžetskih sredstava za 2022. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2022. godinu („Službeni glasnik BiH“, broj 42/22). Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik). Predmet javne nabavke podjeljen je na lotove:

- LOT 1 - Nabavka digitalnog radio sistema, procijenjene vrijednosti 34.200,00 KM bez uračunatog PDV-a;

- LOT 2 - Nabavka VoIP telefonije, procijenjene vrijednosti 29.900,00 KM bez uračunatog PDV-a;

- LOT 3 - Nabavka opreme za video nadzor, procijenjene vrijednosti 29.900,00 KM bez uračunatog PDV-a;

- LOT 4 - Nabavka opreme za protivprislušne preglede, procijenjene vrijednosti 68.390,00 KM bez uračunatog PDV-a.

Obzirom da je tačkom 25. Tenderske dokumentacije navedeno da je rok za dostavljanje ponuda 18.10.2022. godine do 12,00 sati, te da se ponude dostavljaju u zatvorenoj koverti, Komisija je dana 18.10.2022. godine u 13,00 sati izvršila javno otvaranje ponuda prema datumu i vremenu prijema, numerišući kovertu.

Blagovremeno su dostavljene ukupno četiri ponude i to:

R/B	Naziv ponuđača	LOT	Ponuđena cijena bez uračunatog PDV-a
1.	„NEXIS d.o.o. Sarajevo“	LOT 4	68.390,00 KM
2.	„KING ICT d.o.o. Sarajevo“	LOT 2	29.900,00 KM
3.	„MIBO komunikacije d.o.o. Sarajevo“	LOT 1	34.125,00 KM
4.	„Uma Muller Group d.o.o. Sarajevo“	LOT 3	29.860,00 KM
		LOT 4	68.300,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14 i 59/22) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da ponuđači „NEXIS d.o.o. Sarajevo“ (LOT 4), „KING ICT d.o.o. Sarajevo“ (LOT 2), „MIBO komunikacije d.o.o. Sarajevo“ (LOT 1) i „Uma Muller Group d.o.o. Sarajevo“ (LOT 3 i LOT 4), ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, kao i formalno-pravne uslove iz Tenderske dokumentacije.

Komisija je od Sektora za operativnu podršku Odsjeka za informatiku, komunikacije i sigurnost informatičkih sistema aktom broj 16-12-16-6566/22 od 25.10.2022. godine tražila stručno mišljenje u pogledu ocjene tehničkih uslova postavljenih u Tenderskoj dokumentaciji za ponude ponuđača „NEXIS d.o.o. Sarajevo“ (LOT 4), „KING ICT d.o.o. Sarajevo“ (LOT 2), „MIBO komunikacije d.o.o. Sarajevo“ (LOT 1) i „Uma Muller Group d.o.o. Sarajevo“ (LOT 3 i LOT 4). Sektor za operativnu podršku Odsjek za informatiku, komunikacije i sigurnost informatičkih sistema aktom broj 16-10-16-6566/22 od 26.10.2022. godina dostavio je stručno mišljenje, u kojem je navedeno da ponude ponuđača „MIBO komunikacije d.o.o. Sarajevo“ (LOT 1), „KING ICT d.o.o. Sarajevo (LOT 2) i „Uma Muller Group d.o.o. Sarajevo“ (LOT 3 i LOT 4), ispunjavaju tehničke uslove postavljene u Tenderskoj dokumentaciji, dok ponuda ponuđača „NEXIS d.o.o. Sarajevo“ (LOT 4) ne ispunjava tehničke uslove iz Tenderske dokumentacije. Naime, ponuda ponuđača „NEXIS d.o.o. Sarajevo“ ne posjeduje displej osjetljiv na dodir niti prikaz RF spektra kao i istorije na displeju. U tehničkoj specifikaciji Tenderske dokumentacije je traženo da dužina teleskopskog štapa bude min. 140 cm, dok ponuđeni model ponuđača „NEXIS d.o.o. Sarajevo“ ima maksimalnu dužinu 136 cm, tražena je osjetljivost prijema – 140 dBm, dok ponuđeni model ponuđača „NEXIS d.o.o. Sarajevo“ ima osjetljivost do -125 dBm, tražena je snaga odašiljanja min. 3.3 W, dok ponuđeni model ponuđača „NEXIS d.o.o. Sarajevo“ ima maksimalnu snagu odašiljanja 1W. Uvažavajući stručno mišljenje Sektora za operativnu podršku Odsjeka za informatiku, komunikacije i sigurnost informatičkih Sistema, Komisija je utvrdila da ponuda ponuđača „NEXIS d.o.o. Sarajevo“ nije prihvatljiva iz razloga što ne sadrži sve uslove propisane u tehničkoj specifikaciji Tenderske dokumentacije. Imajući u vidu naprijed navedeno, Komisija ponudu ponuđača „NEXIS d.o.o. Sarajevo“ nije uzela u dalje razmatranje.

Kako je za LOT 1, LOT 2, LOT 3 i LOT 4 dostavljena po jedna prihvatljiva ponuda, Komisija nije zakazivala e-aukciju u skladu sa članom 3. stav (3) Pravilnika, već je postupak javne nabavke za navedene lotove okončan u skladu sa članom 69. Zakona, primjenjujući kriterij najniže cijene tehnički zadovoljavajuće ponude iz tačke 21. Tenderske dokumentacije, te je sačinila rang listu ocijenjenih ponuda, kako slijedi:

R/B	Naziv ponuđača	LOT	Ponuđena cijena bez uračunatog PDV-a
1.	„MIBO komunikacije d.o.o. Sarajevo“	LOT 1	34.125,00 KM
2.	„KING ICT d.o.o. Sarajevo“	LOT 2	29.900,00 KM
3.	„Uma Muller Group d.o.o. Sarajevo“	LOT 3	29.860,00 KM
4.	„Uma Muller Group d.o.o. Sarajevo“	LOT 4	68.300,00 KM

Nakon provedenog postupka ocjenjivanja dostavljenih ponuda, uvažavajući stručno mišljenje Sektora za operativnu podršku, Komisija je utvrdila da je ponuda ponuđača „MIBO komunikacije d.o.o. Sarajevo“ ocijenjena kao najpovoljnija ponuda za LOT 1, da je ponuda ponuđača „KING ICT d.o.o. Sarajevo“ ocijenjena kao najpovoljnija ponuda za LOT 2 i da je ponuda ponuđača „UMA MULLER GROUP d.o.o. Sarajevo“ ocijenjena kao najpovoljnija ponuda za LOT 3 i LOT 4, te da iste ne premašuju procijenjenu vrijednost javne nabavke.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se ugovor u postupku javne nabavke opreme za prenos podataka za potrebe Agencije dodijeli ponuđaču „MIBO komunikacije d.o.o. Sarajevo“ za LOT 1, ponuđaču „KING ICT d.o.o. Sarajevo“ za LOT 2 i ponuđaču „Uma Muller Group d.o.o. Sarajevo“ za LOT 3 i LOT 4, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

**DOSTAVLJENO:**

- Ponuđačima 4x;
- Sektoru za mat.-fin. poslove;
- a/a.

